

Picar las letras de l'occitan que son pas sul clavièr AZERTY

Convencions : + indica que cal téner la primièra tòca en picant la segonda. [] pòt indicar una tòca unica per mai d'un signe. < > indica una variabla.
 Nòta de vocabulari : un *clavièr* s'es tojorn compausat de *tòcas* (fan *tòc tòc - tocar* voliá dire *tustar*), pas de *claus* (invencion qu'es una fotralada).

1 – L'ordenador fonciona amb lo sistèma WINDOWS

● Amb WORD

- Accents **aguts** : **Ctrl** + [' 4] puèi <vocala>

Ex. : **Ctrl** + [' 4] puèi **O** dona **ó**

- Accents **grèus** : **AltGr** + [è ` 7] puèi <vocala>

Ex. : **AltGr** + [è ` 7] puèi **O** dona **ò**

Marcha per las majusculas :

Ctrl + [' 4] puèi **MAJ** + <vocala> , o **AltGr** + [è ` 7] puèi **MAJ** + <vocala>

Ex. : **Ctrl** + [' 4] puèi **MAJ** + **O** dona **Ó**

- **cedilha** : **Ctrl** + [, ?] puèi **MAJ** + **C** dona **Ç**

● amb un autre logicial jos WINDOWS

- **Çò mai simple** : picar dins *Word*, puèi seleccionar lo tèxte, lo **copiar** (**Ctrl** + **C**)
 passar dins l'autre logicial e l'i **pegar** (**Ctrl** + **V**)

- **Siquenon** : - Accents **grèus** coma dins *Word* : **AltGr** + [è ` 7] puèi <vocala>
 (majusculas : **AltGr** + [è ` 7] puèi **MAJ** + <vocala>)

- Accents **aguts** (e emai grèus) :

Alt + **còdi ASCII** de 3 chifras sul pavat numeric, segon aquesta taula :

| accent agut | | | | accent grèu | | | |
|-------------|---|------------|---|-------------|---|------------|---|
| minuscultas | | majusculas | | minuscultas | | majusculas | |
| 160 | á | 181 | Á | | | 183 | À |
| | | 144 | É | | | 212 | È |
| 161 | í | 214 | Í | | | | |
| 162 | ó | 224 | Ó | 149 | ò | 227 | Ò |
| 163 | ú | 233 | Ú | | | | |
| | | 128 | Ç | | | | |

Ex. : **Alt** + **160** dona **á**, **Alt** + **227** dona **Ò**

Es pas talament comòde amb las computadoiras portablas qu'an pas un pavat numeric a despart.

Los accents grèus se fan mai comòdament amb **AltGr** + [è ` 7] coma vist pus naut. Se pòt tanben - siá picar lo tèxte amb *Word*, puèi faire un « pegat-copiar » - siá l'astúcia de picar, per ex. la vocala dobla sens accent agut (per ex. *oo* per *ó*), puèi, un còp lo tèxte acabat, remplaçar automaticament d'un còp totes los *oo* per *ò* picat amb lo pavat numeric integrat).

2 – L'ordenador fonciona amb lo sistèma UBUNTU (una de las versions de LINUX)

● Quin que siá lo logicial :

- Accents **aguts** : **AltGr** + [ù %] puèi <vocala> (Per majusculas, **MAJ** + <vocala>)

- Accents **grèu** : **AltGr** + [* µ] puèi <vocala> (Per majusculas, **MAJ** + <vocala>)

Ex. : **AltGr** + [ù/%] puèi **o** dona **ò**. **AltGr** + [ù/%] puèi **MAJ** + **o** dona **Ò** (Es pas indicat enlòc !)